

নগরীর মহাপরিকল্পনা-শীর্ষক সেমিনার সিলেট নগরীর মহাপরিকল্পনা বাস্তবায়নে সকলের সম্মিলিত প্রচেষ্টা প্রয়োজন

স্টাফ রিপোর্টার : ভূমিকম্প প্রবণ সিলেট নগরীর মহাপরিকল্পনা বাস্তবায়নে সকলের সম্মিলিত প্রচেষ্টা প্রয়োজন। মহাপরিকল্পনা বাস্তবায়ন করতে এর সাথে জনসম্পৃক্ততা বাড়তে হবে। বিচ্ছিন্নভাবে নয়, সুষ্ঠু পরিকল্পনার মাধ্যমে এ মহাপরিকল্পনা বাস্তবায়ন করতে হবে।

নগর উন্নয়ন অধিদপ্তর সিলেট অঞ্চলের উদ্যোগে 'সিলেট নগরীর মহাপরিকল্পনা' বিষয়ক সেমিনারে সিলেটের বিশিষ্টজনেরা এসব কথা বলেন। গতকাল বৃহস্পতিবার সকালে গণপূর্ত বিভাগের সেমিনার কক্ষে অনুষ্ঠিত সেমিনারে সভাপতিত্ব

করেন নগর উন্নয়ন কর্তৃপক্ষ ঢাকা'র পরিচালক ফওজী বিন ফরিদ। সিলেট আঞ্চলিক অফিসের সিনিয়র প্র্যানার মাহমুদ হোসেনের সম্বলনায় এতে প্রধান অতিথির বক্তব্য রাখেন গণপূর্ত বিভাগের অতিরিক্ত প্রধান প্রকৌশলী মো. আব্দুস সালাম। বিশেষ অতিথির বক্তব্য দেন সিলেট সিটি কর্পোরেশনের প্রধান নির্বাহী কর্মকর্তা এনামুল হাবীব, শাহজালাল বিজ্ঞান ও প্রযুক্তি বিশ্ববিদ্যালয়ের সিভিল এন্ড এনভায়রনমেন্টাল ইঞ্জিনিয়ারিং বিভাগের প্রধান প্রফেসর ড. মুশতাক আহমদ। আলোচনায় ৯২ এর পৃ. ৮ ক. দেখুন

সিলেট নগরীর

(শেষ পাতার পর)

অংশ নেন ডিআইজি প্রিজন্ মো. তোহিদুল ইসলাম, সিটি কর্পোরেশনের ভারপ্রাপ্ত প্রধান প্রকৌশলী নূর আজিজুর রহমান, শাহজালাল বিজ্ঞান ও প্রযুক্তি বিশ্ববিদ্যালয়ের অধ্যাপক সাবিনা ইসলাম, লিডিং ইউনিভার্সিটির অধ্যাপক চৌধুরী মুশতাক আহমদ, এলজিইডির নির্বাহী প্রকৌশলী স্বপন কান্তি পাল, কায়ার সার্ভিসের সহকারী পরিচালক তনয় বিশ্বাস, পানি উন্নয়ন বোর্ডের উপ পরিচালক মাজহারুল ইসলাম, দৈনিক সিলেটের ডাক এর স্টাফ রিপোর্টার শাহ সুহেল আহমদ, বনবিভাগের সহকারী বন রক্ষক মাহমুদুল হক খান, শিক্ষা বিভাগের প্রোগ্রামার হুমায়ুন কবির প্রমুখ। শুরুতে নগর পরিকল্পনা অধিদপ্তর নিয়ে উপস্থাপনা করেন অধিদপ্তরের উপ পরিচালক (ভৌত পরিকল্পনা) ফারজানা সমীরউদ্দিন। সিলেট নগরীর মহাপরিকল্পনা নিয়ে পাওয়ার প্রজেন্টেশন উপস্থাপনা করেন সিনিয়র প্র্যানার মাহমুদ হোসেন। প্রধান অতিথির বক্তব্যে গণপূর্ত বিভাগের অতিরিক্ত প্রধান প্রকৌশলী মো. আব্দুস সালাম বলেন, সিলেট পবর্তন এলাকা। সারা দেশের মানুষের চিন্তায় সিলেট ভ্রমণ থাকে। শুধু দেশবাসী নয়, বিদেশীরাও সিলেট পরিদর্শনে আসেন। তাই সিলেট নগরীকে সুষ্ঠু পরিকল্পনা মতে সাজিয়ে তোলা উচিত। নগর পরিকল্পনা অধিদপ্তরকে অন্যান্য সকল দপ্তর সহযোগিতা করা প্রয়োজন।

বিশেষ অতিথির বক্তব্যে সিটি কর্পোরেশনের প্রধান নির্বাহী কর্মকর্তা এনামুল হাবীব বলেন, সিলেটের মহাপরিকল্পনা প্রণয়ন হয়েছে। এখন প্রয়োজন বাস্তবায়ন। আমাদের আগামী একশ বছর পরের চিন্তা নিয়েই এগুতে হবে। পাশাপাশি মহাপরিকল্পনার বিষয়টি সাধারণ মানুষকে জানাতে হবে। তবেই এটি বাস্তবায়ন অনেকটা সহজ হবে।

সভাপতির বক্তব্যে নগর উন্নয়ন কর্তৃপক্ষ ঢাকা'র পরিচালক ফওজী বিন ফরিদ বলেন, সিলেট একটি সম্ভাবনাময় শহর। এ শহরটাকে পরিকল্পনা মতো তৈরি করতে হবে। এজন্য সংশ্লিষ্ট সকল মহলকে একযোগে কাজ করতে হবে।